

樹經堂詩續集

清風堂草中

南康謝啓昆蘇潭

論元詩絕句七

集慶初登大業成吟鞭殘月柳梢橫試看捧出扶桑日

何異天中萬國明

宋太祖月詩才到天中萬國明元文宗

宋季文衰換剡源白巖山舍亂離存西湖聽唱龜年曲

頭白江南酒一尊

戴表元

煮字何曾療客飢逍遙八極醉歌時耽書月屋天台叟

越社爭傳枕易詩

黃庚

學到知非接紫陽富山春滿綠猗堂無愁潭上莫愁曲

吟斷秋風兩鬢霜

方夔

手校山堂萬卷書筆牀茶竈泛江湖吳中諸友如相問

小艇時看臥雪圖

袁易

白雲僧舍雨蕭蕭逸唱猶傳玉井樵黃菊催詩蘋蘩水

瓣香零落付江湖

尹廷高

回首蘇門萬事非田園沁北素心違先生在彼虛名誤

風雨前村何處歸

許衡

弄月吟風草屋春乾坤何地著斯人流霞暈淺月痕淡

娥媚詞工紅葉新

吳澄

樵嵐朝暮几窓前水竹軒開得靜便收拾毛錐作總管

金匱一卷壓歸船

元淮

誰識東升八世孫長將雄略跨崑崙一篇懷古空門悟

千古興亡與細論

耶律楚材

隱紫冥搜格律新登科小錄憶前塵荒山學種燕京去

泪洒冰天剩兩人

李俊民

樵菴眞隱道常尊采菊東籬自閉門洒面雷溪瀉天怒

一庭春雪醉黃昏

劉因

黃陳別派漫論詩轉益多師是我師回首廿年吟賞地

湖天雪夜唱魚兒

方回

初開草昧贊文明鏤月裁雲白雪聲試聽蘆花溪上笛

西風吹雨水邊晴

劉秉忠

南北干戈未息石行人何罪繫江邊霜風吹落金明雁

夜月梅花泣杜鵑

郝經

玉堂薦士滿南州廿載詩編白雪樓清要門生趙承旨

故應筆札冠瀛洲

程文海

十議南郊進禮官支機錦簇五銖寒竹風展誦開平集

玉海雲生湧翠澗

袁柳

幾人同采故山薇
玉帶金魚往事非
南國鶯花三月夢
新亭舉目泪霑衣

趙子昂

壯遊京國氣如虹
龍虎臺高賦大風
格健竹枝山谷敵

淮南飄泊石田中

馬祖常

愛日園亭奉母遊
雲林深處望宣州
丹成九轉南胡夢

竹樹蕭蕭泉石秋

黃奎

銜命關西禱嶽祠
傾囊流泪賤瘡痍
雲莊病鶴猶憐惜

忍讀長安賈海詩

張養浩

瘴烟那敵飲茱萸綠箬深林聽鷓鴣銅柱關前弔遺跡

山腰立馬望踟躕

曹伯啟

微詩有客笑多忙散髮歸來鶴夢長款乃唱酬兄及弟

荷風蕉雨坐圭塘

許有壬

春雨江南憶杏花草堂舊宅錦川涯漢廷老吏奎章閣

玉洞仙官蔡少霞

虞集

長坂飛騰駿馬行健兒百戰氣縱橫同時句法傳文靖

望月宗陽第一聲

楊載

雨止修篁秋意多夜深鬼語詠如何漫從南渡論詩派

聽唱閩州繡戶歌

范梈

奎章政要進重華新婦吟成漫自誇御墨忽從天上降
月壇夢賜橘林花

揭傒斯

生面別開諸老外一聲長嘯雁門霜宮詞唱罷芙蓉冷

廢苑飛鴉背夕陽

陸天錫

亂離骨立臥沈疴鯨背高歌踏海波天上自舒雲錦段

空巾嚙語帶烟蘿

宋无

病鶴昂藏帶雨深朱簾十里晝陰陰不甘草詔存忠義

寸簡千秋萬古心

張翥

宛陵父子詩文盛小築桃源別館深
戾契子歸家四散

吳淞江冷草蛩吟

貢師泰

江南三絕韓王並

韓與王能書王
子充善古文

回首金臺古意多聞

寫玉堂天上曲獨臨灤水怨流波

廼賢

應奉清班玉輦隨少陵同調不同辭
讀書懷古多悲壯

上國居庸五字詩

黃潛

高齋烏蜀詩千首正印文章墨一丸
落落浙東名宿在

南州薦士孰彈冠

柳貫

低首遺山從所願齊名文靖莫能儔
故園芝草憑誰訪

豈不懷歸乞潁州

歐陽元

蛟門東上石盤陀五泄山頭一放歌
剡紙十番頃刻盡

秋潮如雪落毫多

吳萊

著書能闢利名關採藥東陽鬢已斑
不出里門三十載

白雲深護八華山

許謙

憔悴生民國步艱東南殺氣滿江關
十年并服潮陽叟

一劍孤忠血淚斑

王翰

循吏永春民父母投戈能使綠林休
蓬壺烟雨湖亭月

擬賦歸來鬢已秋

盧琦

沈湘蹈海古心存百劫灰中有傲軒松竹滿園傷亂世
春詞唱徹月黃昏

胡天游

樂府竹枝三體艷梅花弄笛鐺龍飛吳江老婦嬉春曲
日下歸來尚白衣

楊維禎

埋骨西湖白玉堆出城員外看花來可閑久遂題蕉志
居士柴門一笑開

張昱

玉筍懷才值喪亡鐺門樂府許升堂金臺秋草離宮沒
泪盡琴歌十二章

張憲

苔蘚侵階落葉深閒將碎墨寫雲林紅塵踏破稱高士

山水歸飛野鶴心

倪瓚

席帽山人感亂離
龍灣浪泊數遷移
無題十首傷心甚

怕聽淒涼白雀詞

王逢

詩思濃如玉屑
罪窮愁孰信
擁牛衣白雲不掃松花落

滿目風烟負米歸

郭銓

風雨書沈雁塞邊
離憂擬續杜陵編
江南野史憑誰集

健筆高歌屬石田

周霆震

洞庭霜落橘寒初
江月松風足自娛
羅刹一篇跨賦手

更將餘事寫西湖

錢惟善

故國心飛北雁隨一腔忠孝見於詩慈顏夢裏歸來夜
極浦荒岡瀝血時

丁鶴年

吳楚兵興萬馬屯草堂文讌日開尊白雲如海青山在
桐帽棕鞵弔綽墩

顧瑛

黃篋樓辭祿萬鐘道經自寫石函封江東逸老相存問
家在茅山第幾重

張雨

十忠補史水雲村父子編詩逸詠存汴岳杭潮雨銷歇
一腔碧血寫哀魂

劉壎子麟瑞

橫槊賦詩祇自如風生叱咤據鞍初崖山石勒將軍績

時有閒情讀漢書

張宏範

弄翰焚香日晏如漁陽豪氣未曾除
唐詩漢鼎蘭亭帖

困學齋頭自擁書

鮮于樞

丁年奉使得生還玉璽金符動百蠻
一卷圖經如聚米

夢魂猶憶鬼門關

陳孚

曳杖行吟海月寬珍珠亂迸玉泉寒
道人別有蘆花夢

第一人家快活丸

貫酸齋

煙雨林巒畫法奇尚書醉後墨淋漓
詩成信得江山助

木落天空雪剩時

高克恭

沖淡詩篇五字工
新城相賞有高風
知非萬卷書親校
荷葉涼生響百蟲

何中

健兒杖劍殺人來
白骨如山戰壘開
居竹軒頭蕪草沒
登臨無限古今哀

成廷珪

條條陋室擅風流
題徧雲烟萬軸收
賣卜春波人未識
梅花長護墓門秋

吳鎮

一峰畫法巨源師
道服逃名托大癡
石籀海波供嘯傲
富春山好坐題詩

黃公望

寒燈嘯咏有誰同
淡月孤雲度桂叢
故國傷心遺老盡

輓章五字泣秋風

劉詵

草履無完是逸民高歌煮石鑑湖春畫梅千樹詩千首

繞屋雲生月滿身

王冕

山農繪事許心知除却梅花不賦詩春水穿船雲接地

南湖好景繫人思

貢性之

五雲閣吏神仙品題徧吳淞白玉峰悟得金釵漏痕意

空庭月落影重重

柯九思

處士古風登樂府一腔奇氣錦囊來髑髏無泪秋生感

新息功名亦可哀

項炯

玉笙妙詠寫雲和鬻石爲糧泌水多學道工詩推第一

黃金十鎰醉樵歌

張籛

鷄林價重香山句交趾人傳靜樂詩採得圖經五十載

梅花驛遠髻如絲

黎崱

玉山佳處草堂開此集搜羅尤博該例訪中州詩萬首

風騷一代見真裁

茫茫滄海歎珠遺十集無如癸集虧掃葉山房燈火暮

由庚台讀補亡詩

論明詩絕句九十六首

浪說湖雲測上台感時述事漫生哀因緣二鬼生非偶
並世興亡佐命才

劉基

數言遙下列蓬瀛華表歸來鶴語清永泰故宮秋景暮
江南哀賦庾蘭成

宋訥

詩因文掩襲元風史館名應軼子充學士醉歌甘露飫
猶存文獻浙江東

宋濂

一集雲林剩斷縑詩成獨後老何嫌非公國史當誰屬
筆削寧知賴景濂

危素

琴堂叉手賦髫齡給札同登擁翠亭送別重峯傳句法

春秋學更重遺經

張以寧

翛然布被一茅茨風骨寒梅老更奇日課一詩千百首

孤燈退食讀書時

劉崧

鬢絲愛國掛冠初分韻葵心宴集餘金筑司前羅永寺

何人奉詔誤尚書

嚴震直

梅花溪上繫輕舟百里移家近越州一路題詩到楊李

南湖羣彥劇風流

唐肅

飛書草檄老陳琳不罪狂言尚賜金金粟草堂編雅集

小丹邱識故人心

陳基

畫出秋山倩叔明歸來驄馬骨癰清浣花一瓣心香在

白燕詩傳浪得名

袁凱

退隱青邱自葆真奇才何竟坐亡身隔花犬吠知誰刺

不遇烏臺雪罪人

高啟

避地雲閒杜樹隈倪王蘸筆寫天台輟耕錄罷秋風起

長抱江南庾信哀

陶宗儀

伯賢感興襲風騷琴操餘音味曲包刻意公夔同好尚

白雲藁惜未全鈔

朱右

奉詔親迎小翰林紫簫吹月和鸞音高岡孤鳳非時出

淒絕濠梁道上吟

張宣

眞眞聽罷欲魂銷
藍謝廉夫韻自超
不是常宗標正派

誰知老鍊是文妖

貝瓊

禮局書成托疾辭
石門恐誚北山移
賜金優渥南歸賦

明詔全身頌德詩

梁寅

風雅羣尊姚秘監
雲臺集比鄭都官
山陰詞翰誰雙絕

徵士人求識面難

劉永之

頌來繒綺侍朝衣
南市樓頭賜宴歸
飯熟人間猶未醒

臥吟想見古音稀

錢宰

新愁舊恨滿天涯
論鑒書成自一家
一鍊果然優老鍊

清詞譜入浣溪沙

楊基

戴山過訪蜀山頻
頽頽高楊格調新
述事滁陽方授簡

何期南竄死江濱

張羽

結屋雲林綠滿軒
紀行詩卷橐空存
同時四傑皆冤死

十友誰招北郭魂

徐賁

堤柳宮花得句新
唐臨晉帖恐淆真
漫言小乘非宗旨

膳部詩應首八閩

林鴻

花市雞營屋數間
五湖春夢白鷗閒
平生快意歌風作

桂枝堂詩集卷一
派異西江見一斑 張昱

元代傳奇數四家盲翁負鼓唱琵琶詩名半爲填詞掩
紅燭輝交並帶花 高明

絲楊舟繫水當門畫裏尋詩樹外村彈粉竹弓成雪景
新圖突過趙王孫 王蒙

崑崙萬派挾河源李杜雖亡正雅存大節不因詞賦顯
閒居遜志賞音存 方孝孺

東角門中笑腐儒柄兵曹國薦尤迂流傳七字枯梅句
破斧東山熟讀無 黃子澄

同歸未肯負方黃絕命遺詞實可傷狗彘食人刑更慘

畫松題壁憶鄱陽

王叔英同時胡閩亦死難成祖有與狗喫之旨慘毒一至于此閩以題

鄱陽畫松受知于明太祖故連類及之

十僧應詔侍燕宮病虎居然佐躍龍嵩寺夕陽人去後

女嬃詈汝愧禪宗

姚廣孝

萬言痛哭賈長沙十載歸朝賜予加率意爲詩珉石混

醉魂埋雪竟無家

解縉

小技爲詩未足名三楊輔政尚忠貞石臺東里爭傳播

不廢君臣互和賡

楊士奇

楊花風起歎相思玉砌趨陪太液池後死因緣東里約

金川變起牧豬時

胡廣

十年埋劍發新硯憶同園扉望柳青西苑受知親灑翰

歸田雁宕采芝苓

黃淮

何人月下譜鸞聲不許簫材付老僮一卷竹爐開寄暢

舍人詩畫信雙清

王紱余曾于無錫寄暢園觀竹爐圖

紫塞黃河下筆收十年風雪敝貂裘一腔熱血洒何地

潮護錢塘墓樹秋

于謙

講學河汾薛夫子錦官猶唱竹枝詞蒼頭泪下貂璫感

豈在區區一卷詩

薛瑄

碧山吟社惠泉旁十老題詩鬢客蒼一幅石田秋色裏

湖波點筆記錢塘

秦旭 余戊午年曾觀碧山吟社卷于秦小峴觀察署題詩其上

理學文章無二致條然屏跡坐春臺和詩驚訝龜山出

派別仍從擊壤來

陳獻章

競病聯吟亦擅場兼資文武比汾陽玉關歌斷邊城柳

楸樹花前說定襄

郭登

銀瓶曉汲玉河橋對峙孤亭竹柏饒三百年來遺愛在

瀛洲回首隔雲霄

柯潛

瓊臺指畫論縱橫面折投冠太不情舊侶看花未忘却

吳山粵水紀歌行

邱濬

浙中齟弊古難除辛苦淋煎繪八圖慷慨臨江詞一首

次山風骨愧姦儒

彭韶

騎馬蹢躅過玉河瓊林燕罷醉時歌西涯年少交遊久

春雨同賡學士波

陸鏡

淋漓大筆侍彤廷鮭菜盤空腕未停留得浣花詩法在

誰云何李異門庭

李東陽

皤皤黃髮股肱臣密語英謀顧問頻塞上歸來草堂在

東山猶作種蔬人

劉大夏

鴛鴦湖上五株柳八百灘頭一棹風
野鶴招雲松徑宿

畫船夜夜貫晴虹

姚綬

三百風詩未就刪
流傳濮上與桑閒
自從擊壤傳遺派

高帽先生笑定山

莊景

侃侃謨明亦賦詩
休官詔下尚圍棋
江湖得遂歸田樂

巾屨同遊羨佩之

謝遷
雪湖集

馮蘭字佩之與先生唱和有

玉延亭上宴初酣
藥檻花欄到處耽
黃閣未登公豈愧

辦香玉局數匏菴

吳寬

氣吸三山唱大江

有大江東詞刻石于京口

韓潮蘇海力能扛籌邊

攬轡題詩罷貌寢文雄讀石淙

楊一清

抗隱西莊讀父書鳳凰賦就震南都脩脩水竹行窩外

時有新吟上畫圖

沈周

對客揮毫信有神尋常酒債未嫌貧文才輕艷傾流輩

名教安能縛此人

祝允明

吳下才人校指並茅菴高臥老癡頑桃花滿塢瓶無粟

坐客來看畫裏山

唐寅

蓋世功名手一麾乾坤旋轉退無爲浮峰詩社茅堂好

月出花香夜坐時 王守仁

鈴山再出抗清風肯爲東橋執禮恭晚節名類詩亦壞

渭城那復唱匆匆 嚴嵩

倡言復古數空同唐後無詩論未公東里西涯衣鉢在

中原二子孰雌雄 李夢陽

翩翩百鳥集詞林明月篇多婉麗音俊逸粗豪非定論

兩家氣類叶苔岑 何景明

艷摘齊梁稿欲焚揚州烟月句銷魂嘉禾好景無人道

斜日看桑過石門 徐禎卿

清廟泠泠錦瑟絃漫推何李抑徐邊芭蕉夜雨添愁思

三復華泉五字篇

邊貢

對山援我氣如雲獵後中山紀異聞腰鼓喧闐三百面

朝朝花裏醉紅裙

康海

太白山人茗雪叟幅巾道服棹西湖辦香黃九抗風雅

恥與空同共町畦

孫一元

盤空硬語自峻嶒少谷休嗤學少陵聞道河東車駕出

離宮拜賀涕沾膺

鄭善夫

傳粉雙丫醉後粧臧門抗疏遠投荒老顛酒墨裂風景

少日魂淒古戰場

楊慎

浹河祖帳八司官
頓掛彈章膽共寒
銳意開邊更非策

休言得罪爲香冠

夏言

繼統無須再爲後
蘿峰抗論互評譏
定陶濮邸難同例

當日諸臣孰是非

張璁

妙筆清詞傾一代
丹青餘事復縱橫
碧漪坊北人高臥

捲幔風來春水生

文徵明

世經堂上勅書存
豈假青詞媚主恩
不有少湖書奏牘

東樓欸段出都門

徐階

荆紫歸臥讀書園諫果甘回至味存何李升堂誰入室

長城五字屬蘇門

高叔嗣

薦牘何妨出甬江蛟門破浪海鯨降六編儒稗兼通貫

咳吐元音健筆扛

唐順之

中麓藏書巾山左借抄往往及瞿曇百篇塞上悲歌曲

少壯心情老尚耽

李開先

青衣入閣侍經筵馳驛江陵賁予駢烽火無驚垂廿載

論功應溯定陵年

張居正

風沙拂面草萋萋掩泪看花空道西東白草堂聞鬼嘯

空傳佛骨諫昌黎

顧存仁

青霞落落快男子一疏中朝謫塞垣
柳碧沙明怨春暮
淒涼不返玉門魂

沈鍊

石蓮深處落花盈飛瀑巖前聽雨聲
不遇青城鴻寶訣

妄言仙去學長生

羅洪先

慷慨餘生報主知不將誹怨托湘纍
愁中白髮三千丈

血嘔丹心狄道詩

楊繼盛

四總河防水束隄百年異世守成規
可憐除夜行吟處

海盡天涯客思悲

潘季馴

韓歐正脈孰傳衣元美評言悔昔非無意求工詩亦好
玩珠靈谷與忘歸歸有光

墳麓伯仲總能文月下清遊悵雁羣仕宦遄迫吟並勝
誰言舄白屬司勳皇甫冲兄弟

七言海內數山東白雪樓高閬苑風學步邯鄲笑餘子
滄溟可許繼空同李攀龍

大海風迴萬丈波一編晚歲手東坡廬江小吏離賁側
元美有樂府千言醉後歌王世貞

牛耳爭推一布衣那堪中道棄如遺試聽同社新翻曲

可有王姬唱竹枝

謝榛

百戰東倭蕩寇回
蕭蕭白髮老邊才
受知季立傷南徙
塞外燒荒突騎來

戚繼光

鬼語荒墳夜哭聲
陰風吹火老梟鳴
辦香長吉櫻桃館

殘帙中郎感舊情

徐渭
袁宏道
文長集至
始付梓

腔變弋陽傳海內
絃彈白苧舞楊枝
吳兒艷雪胥江上

齊唱梁郎幼婦詞

梁辰魚

鬱鬱東林氣未平
名高海內盡除名
雁門遲下金雞詔

朔雪風淒聚戶城

趙南星

不與滄溟競詩派深憂瑣里上靈臺免書勾黨歸田後

湖上瓜皮醉客迴

朱國祚

艷曲閒情唱小伶俞孃腸斷牡丹亭廿年投効詩三變

視世茫茫一夢醒

先生有四大夢
傳奇湯顯祖

揭陽讀易識天機正則甘從屈子歸海內同悲喬岳隳

東林講席一燈微

高攀龍

拙宦真如上水船新詩自訂草堂前老夫拔幟竟陵外

銀海秋濤瀉日邊

謝肇淛

千古風流兩文敏鷗波亭與戲鴻堂畫禪參透黃庭訣

十幅烏絲奉女郎

董其昌

城南結社長諸生王李擠排弟與兄誰料逃禪變幽峭

秦淮水閣擅詩評

謂鍾惺譚元春袁宏道

松園詩老多庸調

程嘉

霞幕山人寄遠情

吳鼎

嘉定四

家惟叔達何如茗上范東生

沈升

唐

石倉延賞有高情賣藥吳門未識名芳草驚心寒食句

無人知是孟雲卿

沈野

不惜批鱗觸帝廷石公譴後繼芳馨候蟲異鳥悲時節

葬骨依然戀敬亭

姜埰

草莽孤臣萬里天山河破碎泪潸然
禮經考次遺書在布服書生二十年

劉宗周

虞帝祠前泛月槎荒岩托跡竟無家
和歌獨有張公子白首青山泣暮霞

瞿式耜

清流白馬禍瀕危梅綰分投復社時
南國諸生公揭在悟秋重唱柳枝詞

孫淳

清風堂草下

南康謝啟昆蘇潭

壬戌元日試筆四首兼柬張南坡學使

賜賑蠲和

詔屢開

天門歡動響如雷明朝鳳紀頒春至萬里龍編獻頌來

五色雲中

魏闕深每依北斗繫葵心南交鳩舌輸珍賁

安南將入貢

西

蜀鶚音化泮林

教匪有奏凱之信

先生倬值已多年
燬雪沾衣

授簡先分得春風
被炎海紫芝重秀玉階前

使院有芝草堂

六十行年又六春
佩韋誠服敬書紳

啟昆辦事有過急之病奉旨訓飭

謹志之不敢忘籌邊馭遠思
尤切對笏

恩應及雁臣

春間將奏請

立春日同南坡學使過訪韋廬得詩四首

室邇人偏遠紅塵十丈蠲招邀逢草聖
跌宕訪詩仙厭

俗緣書癖耽奇爲石顛來青軒畔路不到
又三年

竹廬紆更古友意拙相宜雙石品難亞
數峰青欲吹苔

岑本同氣桑梓繫人思信美非吾土春風夢故枝

春信報三商

酉正三刻立春

春簷滴數行鞭聲紅陌近燈影髯

絲長晴久冬無暘霖酣歲可望寓公同念切農事似江

鄉

詩輕萬戶侯弭節鳳麟洲北發思煩鬱

南坡初至未習水土

西涼

路阻修偕游碧虛界頓使宦情收徙倚何能去欄前暮
靄流

正月八日邀歐陽澗東朱小岑清風堂小飲卽

席成詩二首

喧靜宜佳客春閒散早衙傾觴逢穀日轟飲嗅梅花久

謝彈冠興

謂小岑

懶隨計吏車

謂澗東

清風三徑在頗意老

夫家

歐九真名士朱公尚布衣傳詩多古意

松圃延澗東尋授子弟詩法

寺任天機

小岑每于歲暮獨遊山寺

相說頤應解獨行知者稀沈沈

共春酌簷外燭成圍

懷人詩二十首

春晝正長四十年來師弟朋友之誼偶觸于

懷輒成短詠略依年次寫之

覃溪師

蘇齋闢詩境俗物謝拘牽茹古齟飢渴窮經忘歲年蠅
頭書細字麟筆紀長編後世誰知我相期百代前

姚姬傳

萬丈龍眠嶺高居有道儒詩文存古法經解陋鈔胥南
斗人誰頡長江派自輸擁書三十載環席拜生徒

李松圃

丈夫生一世廣廈庇千人況有蘇州句能迴瘴海春攤
書無別嗜枕石自全真偶評朝雲偈三生悟宿因

韋廬有章

石

吳夔菴

名法自爲師精通有夙知交君如季重長我敬袁絲著
手物皆活盟心人不疑南泉一瓢水清味付佳兒

沈秋渚

簿書堆萬束奏牘草三千暫息叅軍幕仍揮下邑弦代
庖羞越俎舍已笑耘田莫道爲官好東陽瘦可憐

胡雒君

循良有賢裔安定抱遺經萬卷高樓在環山一片青香

雲書共校視舫字同銘耐久眞吾友相期采茯苓

凌次仲

壯年成進士韋帶樂儒官儀禮圖籩豆

仙子著釋名十三卷諸生

奉敦盤聞風

東海起

少寓海州

懷古北樓寒我舊經行地何

能振羽翰

吳蘭雪

雋逸人間少仙才復艷才復初門下士

覃溪師齋名復初

我畏

後生來負米蘇香側看花紫陌迴翰林如見用授簡佇

鄒枚

程春廬

典可參樞密官初試省曹談兵兼吏治妙筆稱詩豪期
艾詞偏達昂藏骨自高雲霞徵意氣視世一鴻毛

秦容莊

髯也無雙品翛然寄二泉千金私墅帖萬畝義莊田課
子開家塾攜童上釣舩梁溪松鶴在安穩抱雲眠

秦小峴

手援同志少飢溺切斯民臂病常思退官清不厭貧海
棠橋路迴橫州海棠橋遊遺跡也蘭芷楚江春一水盈盈隔無緣

接笑囁

鮑以文

七十老經生形癯眼尚明一湖浮宅小萬卷 賜書盈
陳起桐陰臥陶潛菊徑行羨君奚不足鶴夢有餘情

錢裴山

聚首欣三載分攜又隔春剛停燕北轍應念粵西人吏
事通今古文章軼漢秦簪臺花裏散紗幔笑言親

潘蘭垞

白頭都給諫青瑣老詞林禮佛晨興早評文夜坐深無

種留客話止酒証禪心湖上樓遲好浮雲伴苦吟

章實齋

登第不求官空齋耐歲寒耳聾揮牘易鼻聖運斤難晚
境貧愈甚芳情老未刊近來稽水側誰授故人餐

錢可廬

學士吾前輩

謂半樵先生

相頗有可廬一家傳著述六籍當

蓄畬缺補蔚宗表箋詳叔重書三徵頭半白江上侶樵

漁

可廬著說文統訓後漢書補表

項秒子

貫書捐萬鎰好士避三端小屋春將及

秋子有春及草堂

西湖

夢未闌客聞人說項詩愧注編韓

秋子爲余注詠史詩

生計牢盆

拙尊開北海寬

陳華南

吳越移家近僑居屋數間一官辭簿尉半榻自湖山側

帽梅花塢開樽楊柳灣詩名堪不朽元白並兒慳

袁陶軒

髯華嗟不第隴上鶴書稀應聘全初服傳家尚布衣

陶軒

祖有布衣歌

柳詞花簇錦鄭學草生扉

陶軒工詞近輯鄭氏逸書

鮎埼人

高臥蟬魚不療飢

陳仲魚

燈分兌麗軒

浙藩署軒名

一笑紫髯掀尚友青雲上讀書松

樹根

仲魚有尚友及歲寒讀書二圖

議談驚上座訓詁証方言埤雅農

師繼于今小學尊

仲魚著說文正義

十三日清平階方伯公晴岩廉訪王梅岑觀察

招同張南坡學使燕飲於棲霞寺卽席成詩二

首

蒞止三

屆今逢燕喜新官僚投水乳燈火逼星辰雨

細魚龍動陽回蔀屋春天工憐客意雲月欲開輪
山空轉電雷虹影渡江來禁弛人容入烟濃鶴避回合
酬知樂歲偃伯兆靈臺共矢無荒戒巖城漏已催

十八日作

魚龍百戲綵雲飛似此豐年景物稀連夜雨霑遊士屐
落燈風颭酒人衣數過真節春如夢信透梅梢客未歸
沈秋渚屢欲歸而未得政事堂開嚴鑰啟明朝喜色上旂旂
神明日開印
是日迎

和秋渚雨窓岑寂之作疊前韻

口談指畫翰如飛積雨空齋客到稀春瘦吟多圍減帶
香消坐久冷添衣人言知己逢難再我亦因君賦曰歸
今年陛見擬請假省墓一舉冲天鴻鵠志丈夫勲業勒常旂

雨霽疊前韻柬秋渚

一聲林噪雀初飛養麥天和雨漸稀嫩綠春風添石髮
昏黃暝色上簾衣河陽花好宜催種杜宇鳴遲且緩歸
昨夜陽和開秀嶺滿窓蕉葉展青旂

母雷同

甄別秀峰書院諸生

百里鳴何疾隨聲辨未真振聾宜表異立意務追新詞

出惟由已才高豈借人風來文自渙雨過物生春詎有
黃鐘作而同布鼓陳天機能運杼大雅賴扶輪勦說刪
同盡卮言擬不倫

宸章雲漢麗應寶

命重申

李甥頡飛將赴慶江書院詩以送之兼訊任春

海疊前韻二首

縱橫意氣控鯨飛屈持諸甥似汝稀抗志爲師慚黑首
依人授館賦緇衣花明池上談經罷雨過城南訪古歸

宜山百花池城南
樓皆黃山谷遺跡
試弔金華舊詞伯
新祠爲我降旛旗
新修山谷祠

帆開桂渚燕初飛
咫尺寧愁見面稀
龍水諸生今接席

廬山十載昔傳衣

十年前
王講鹿洞三秋

楓陛深余戀五月榴樽佇汝歸

予將奏請
約顏飛五月

陞見爲訊

青衫攝司馬吟壇孰拔漢旌旂

秀峰書院開館東維君山長

三年途學作東家却喜先生鬢未華
日晡精廬初過雨

小桃新種數枝花

簾前舊侶拜春風
經義憑君發
賸聾四面峰
多無意思
爲文莫訝喜雷同
昨以母雷同命題而諸生雷同者尚多

題吳殿麟紫泉山房集

新安孕畸士
昔識程易田
通藝手親錄
雪鬢垂兩肩
季子未謀面
結屋紫石泉
齒比程君少
不遇同迤邐
今歲胡雒君
示我詩一編
云兼工散體
抗心皇古前
三子皆徵士
雒君交尤堅
所言當不謬
覽集信其然
淒淒游子吟
南征涕泗漣
侃侃宗伯書
風木義纏綿
立言得根本
枝葉非所先
吾聞皖水上海峯
劉氏賢漢唐
恣凌轢獨

調彈朱絃君爲高弟子及門共磨研五十而學易吞篆
尚勉旃因君泛舟什遙懷惜抱軒集中有同姬傳泛舟之作姬傳與君同受業于海峯者也

題程易田濠上吟稿二絕

白首窮經六藝通栖栖策蹇挾羸童逍遙不計身爲客
睡起餘花落碧筒

往歲艤舟武陵岸春風初識紫芝顏蓬轡留印鴻飛遠
湖上新吟未可刪

見瓶內桃花有感柬稚君

故園回首暮霞空廿載繁華似夢中
點點易隨流水遠
依依猶記畫簾通
相憐昨夜經春雨垂老多情觸曉風
扳折一枝驚病眼無端感集與君同

李松圃邀同人看梨花余不能赴口占二首奉柬

城隅咫尺隔烟霧娟娟靜女愁春暮
一堆晴雪濕難飛
留待幽人續新句
官場鮮暇雨頻催
今日少霽又不來
梨花笑人太寂寞
輸與太白傾金壺

去歲托詠署齋花錦瑟飛塵怨十載今歲雨多花不放

絕代眞仙渺東海側聞別墅爛如銀洗妝風露搖千春
明朝屏騎花間坐側帽休驚池上人

次日邀友人看花方知誤以李爲梨得詩二首
聊以解嘲

小橋流水曲通門不設藩籬別有村雨暮連宵春未老
雪圖半幅淡無痕借人荒圃傾茶榼與子清談當酒樽
倒戴接離花下過何須拍斗醉昏昏

因緣名字喚眞眞乍見方知玉井春縞夜誤疑寒食節
雪香偏稱素心人捲簾一笑通芳訊攬鏡千絲愧老身

收拾花光樓上坐碎雲歸壓馬蹄塵

是日復由李園至疊山看花壘前韻

一桁遙青帶郭門溪流曲曲抱山村微雲遠樹明千點
宿雨輕烟暈一痕可許放翁留畫扇聊同漫叟泛窪尊
紅紅白白花如海更豁詩人老眼昏

漠漠壺天望未真養花氣候恰中春欲留仙袂無多日
解趁官閑有幾人著地繁香宜促座隨風落蕊已離身
古來四事稱難合回首雲山隔路塵

前題次雒君韻

坐窗人瘦減腰圍天與春閒屬少微選勝棚移花作檻
東坡有選勝亭隨地可張時勸松圖作之紆行巷曲刺牽衣雲空白鶴招何
處草綠王孫悵不歸遲我問津休恨晚後來只恐足音
稀

聞松圃復約同人作壺山之遊率成二首

良會誠難再壺天况又深桃花迷去路之予重相尋詩
好憐前度遊慳惜寸陰撚髭還擁座排悶且孤斟
忽憶半山寺錢塘江上舟紅潮生野岸夕照倚高樓雲
水三秋隔繁華一夢收諸君莫輕返趁興作遨頭

松園邀客壺山看桃花晚憇普陀崖以花塢夕

陽遲分韻作詩五首和之

連日結游騎妙境探耆閣老夫起羨慕如道逢麴車手
浮膽瓶蔬目想空中花眷言二三子軒舉餐明霞

明霞瞰高嶺布空作紅雨欲飛猶未飛欸乃一聲櫓春
光去已半此景那能補銅鼓靜晚衙夕陽在花塢

春塢澹將夕含情悵脉脉我聞石曼卿裏泥擲果核劇
欲仿此法秀峰種五色看花未出城鼎來不速客

客有歐陽子能飲醉不狂

東

復有草元者新來洞庭旁

楊蓀

徵君教安定

維

布衣家紫陽

小

李公真好士星聚

傾一觴

觴罷復何語會合天一涯維摩散花後和風迎面吹見

獵心猶喜屠門快可知明朝趁休暇鼓棹莫遲遲

將邀松圃

爲還珠龍
隱之游

和松圃壺山看桃花之作

酒人破塚掩青苔孰肯春陰訪古來薄宦難逢山水窟

偷閒暫撥簿書堆微陽不隔廉纖雨紅暈斜侵灩澦杯

九曲仙源須記取莫教重到作空回

壺山酒人
雷亮工

二月十九日邀同張南坡李松圃胡維君登泮
波岩泛舟還珠洞遂至龍隱岩歸飲銅鼓亭得
詩四首卽送南坡按試外郡

蠟屐同君賦近游春泥滑滑到林邱文淵此地傳疑蹟
祇枉何年鎮泮流極目湘衡迷去雁側身宇宙一浮鷗
老夫未療煙霞癖更舍籃輿放鷁舟

春波如酒綠沄沄彷彿江南畫裏分敢道官清珠返浦
却疑龍在嶺生雲洞前繫纜披蘿蓋壁上鐫詩掃蘚紋
流出桃花何處覓照人絲鬢白紛紛

南渡諸賢燕集頻，壺觴瞥眼已成塵。
劍南詩闕當前境，海岳圖傳未了身。
只有山中題字久，莫辜座上笑言真。
先生蕩節經行處，玉室金堂好問津。

龍隱岩有陸放翁詩，境字還珠洞有。

未襄陽像

亭高鶴帶夕烟還，腰脚猶誇鬥健頑。
我輩相招無俗侶，人生難得是清閒。
枕椰雨過蒼梧野，薜荔寒生桂渚灣。
歸日轡軒囊勝景，白雲紅葉滿邊關。

計程十月當還

伏波山

半空山樓閣窈窕，憑朱欄碧波倒人影。
白鷺翹淺灘雨

餘翕衆綠濕烟生市闌危峰騎屋頂
婉孌窓中襲秦淮
水上笛恍惚移此間樓船何處弔
數點漁舟還

還珠洞

遵陸不數武放船忽千尺軒豁呈天巧
槎枒琢峭壁石
筍垂欲墮離地僅容隙蝸旋中通明蛇行外逼窄古潭
黝以深趾滑蛟龍得元水原無珠何從返眞宅

龍隱岩

習習穴風來霏霏春霧湧龍春掛岩顛
蜿蜒鱗甲動水
噴兼沙漬乳垂骨擁腫一舟穿其腹
涎噴及我踵趙宋

名跡多筆勢端且重後來今視昔泪墮發深恐

春晝二首

沈沈春晝傍檐行燕子泥融語畫楹倒捲湘簾寒霧重
桃花一樹隔牆明

多情怕觸舊情來去歲李花今不開汝縱無花樹仍在
返魂香定倒根回

三月朔日祀虞帝廟坐南薰亭看新綠得長
句柬松圃稚君

銀燭高燒榆火然質明禋祀虞山前飛蓋言旋吏人散

鞭絲搖颺垂楊烟殘紅褪盡生懊惱潑眼綠海愁無邊
染人鬚鬢却衰老相看顏色如青蓮今歲雨多農事早
半麥齊腰秧刺田四山嵐合樹浮薺一鷺點雪飛晴天
韶音洞口草鋪罽下有萬古清冷淵蔚藍垂光抱復閣
毒瘴洗淨枝葉鮮萬彙朝來受新沐灘江照影清可憐
薰風未上酒人袂童冠舊服皆翩躚檻外漁舟一聲笛
碧雲吹墮湘娥絃蒼梧帝子渺何所至今蘭芷交芊綿
壺山昨日踏雲錦那及此景麗且妍野樵終日採空翠
獨往疑是秦時仙我輩勞形困塵事安能坐臥巢其顛

鴻雪書舫庭樹老芸窗鎖霧空年年回思泥飲首濡墨
蘇潭對榻歌長篇曩有鴻雪舫嫩綠歌君面微縐我頭禿爭如嫩
綠常娟娟筆不能描境易失對此欲餐飢可蠲焉得飲
馬灌嬰井與君南浦相周旋

初二日南郊閱兵卽事二首

花簇魚麗隊青垂韎韐衣書生安識陣但演佛郎機千
騎草鋪埒四山天合圍雲梯空際下定有將如飛
不踏青郊路安知春已深明朝逢上巳馬射憶華林渺
渺臨流意遲遲惜暮心凱歌翹武燕競病我能吟

初五日耕藉禮成恭紀

刀火兼耕種汙田墀伯區

廣西田有以墀伯計
墀爲四畝伯爲二畝

今年行

大禮

國服除後
始行此禮

邊吏敢辭劬山國諸侯重犗苗左右

趨一犁烟雨外家世本農夫

草樹濃於染山光不斷青田歌烟際陌布穀水邊亭正
憶桑乾築于今雁戶寧劬農行麥隴稔歲祀靈星

二十一日夜大雨喜而有作

蜀國漏天粵漏地終年不見溝渠盈潤占柱礎已生喜

臥聽簷牙同一聲驛騎遙馳思晝接

時請
陛見

雲龍暗祝

護秋成

前年誦大雲龍經得雨

籌邊要策在豐稔唱徹秧歌臨柱

城

和秋渚留別元韻二首

壁上輪贏笑佐戎十年觀戰逐西東
清湘電掣龍飛匣
疊嶂雲開鶴出籠
勲業依人難自主
英雄著手要程功
力排羣議彈冠慶
循吏期君振古風

出郊小隊愧元戎
帳飲驪歌渡水東
志士達應關利濟
奇才居豈受牢籠
貲郎古有名流占
令尹今移及物功
小住鴛湖銷溽暑
一帆好趁芟荷風

偕幕中諸友餞飲秋渚于榕樹樓卽席成詩

氣壓元龍最上頭憑欄對酒雨初收遙憐我輩同登處
便是君家八詠樓何代樹高圍郡郭故人情重繫江舟
天涯聚首真難得嶺外鴻飛爲少留

吟吳夔菴不至疊前韻

臨事兢兢似卽戎狂瀾手障百川東已驚蝴蝶辭塵夢
夔菴新有不逐繁華入世籠三載遲君山水穴一官佐
鼓盆之感我簿書叢相思意氣輕千里走馬休嗟類轉蓬

汪劍潭司馬以近詩寄閱輒題四絕

練溪紅水落千巖翠羽如雲白日銜聽徹苗歌囉噴曲
愁來無淚濕青衫

八面山開瘴雨添冬春邊地氣如炎憑君冰雪詩千首
厲鬼無威不受疰病疰新愈

水陸滇南貨貝陳粵西門戶賴良循銅船火急鹽船並
遮莫人歌得寶頻

田州究勝謫江州一路題詩到署樓蠻婦佩刀今買犢
清風定感夜郎侯

五月十五日得雨志喜

匝旬剛不雨土渴盼潛虬私籲願難必意動神與謀沛
然一以降臥聽風颼颼簞涼擁薄絮爽颯如深秋連綿
遂達旦拍拍盈渠溝蕉窻捲新綠餘潤侵衣篝座遷烏
皮換屐沒苔花浮沾濡亦何惜曉烟散鬱攸瘧厲已暗
逐民病其有瘳秀峯峯下牧一笛過榕樓西粵事本簡
所懼田無收 皇天憫邊地不吝膏澤稠三歲荷慈資
使者百不憂高僧閒粥鼓雲龍得稍休往歲誦大雲
龍經得雨 杭
稻航東粵市僧安能讎悠哉極樂國長作龍編侯

二十九日得次兒學崇改庶常之信紀

恩志感恭賦四律書以示勗

五色雲中望眼枯泥金喜噪戟庭烏

王多謫吉能無忝天與英華幸勿辜門下頭龍難附尾

江西狀元自大庾戴蓮士先生始學崇于先生爲小門生人間老鳳樂將雛命名佳

兆懸弧日學崇乳名奎兒跨竈王郎得似無

天荒早破嶺梅春預選蓬萊第七人南安預館選者憐前後得七人

汝弱鱗騰浪捷慰余老眼看花新誦芬兩世名登甲步

影三磚職在寅舊籍鵷班重回首東華夢隔軟紅塵

少年登第首文靖接踵陳稽數禁林國朝王文靖

熙陳文貞廷敬

稽文恭璜俱年二十登第汝齒相如叨後進諸公仰止愧同岑士衡
文賦才人手安石圍棋老子心學業事功憑繼起搔頭
白髮已盈簪

籌邊無術答

深恩復荷殊榮逮犬豚弱冠決科憂太早初桃得路要
培根傳家自信留清白報

國何堪志飽溫秘府圖書多未見直探星宿到崑崙
松圃贈蚊囊賦謝

薨薨夕聚響如雷網盡休教一面開莫笑殲旃何太酷

留遺便有剝膚災

囊來豹脚勝蛛絲醉臥桃笙月上時料得韋廬紅袖拂
先生裸裎夜談詩

前歲盆中荔支移栽于地得二十四顆各以一
枝分餉幕中諸友繫之以詩四首

三年仙核移根種廿四明璫照乘來免使塵飛東海騎
側生何地不生材

文園蠲渴望如何憂旱艸艸更抱疴昨夜驪龍初睡覺
頽珠未敵雨珠多

時禱雨
得雨

休將微物擬鷺毛豪勝綬山得一桃佳賦我嗤劉節度
分嘗究比畫圖高

長鬚日日護荆籬三顆去年今倍之留待蟠根齊八桂
諸公飽啖莫輕辭

荔支爲鼠所盜戲成一律

朝朝僮約戒偷嘗五技誰思黠莫防慣恨太倉餐玉粒
還窺仙窟竊珠光品高難禁貪讒佞腸腐偏知色味香
瓜果田園有寬律忍將磔獄付張湯

六月十四日步禱得雨志喜二首

乍見浮雲合復離陵零石燕翼飛遲澤慳懸盼愁如炙
響斷傾聽細若絲菩薩有靈驅道士鄉村無賴走狂兒
魯人獵較猶從俗我亦何煩厲禁爲

初聞浙瀝漸滂沱使者軒渠一放歌六月前年同此日

粵西萬戶頌維摩

嘉慶五年六月十四日誦大

邊方地

瘠生涯促奸賈謀深巧利多從此秣杭賤如土珠江任

爾舳艫過